

negotiis adiuvetur attentius postulamus. Hinc est igitur, quod pro dilectissimo familiari et fratre nostro Alexandro nobili Romano, domini pape subdiacono, vestram liberalitatem confidentius rogamus, quatenus ad servitium Romane ecclesie a domino papa evocato et apostolicis etiam scriptis ut repareret¹ ammonito² pro reverencia sedis apostolice et nostro amore atque servicio ita honorifice in equitaturis³ et in aliis ad redeundum necessariis provideatis, ut et ipse, qui divino nutu in ecclesia dei sublimabitur, vobis et ecclesie vestre semper teneatur debitum exhibere servitium, et nos inde cum gratiarum actione vicem habundantius debeamus respondere. Vale.

2. Kardinal Roland an Matthaeus von Angers.

Venerabili fratri et amico karissimo M(atthaeo) Dei gratia Andegavensi episcopo R(ollandus) eadem gratia sancte Romane ecclesie presbiter cardinalis et cancellarius salutem et sincere dilectionis affectum. Noverit fraternitas vestra quod Alexander Romanus civis, domini pape subdiaconus, Parisius hactenus est in studio conversatus; nunc vero ad propria desiderat remeare. Unde et consanguinei eius preces nobis instancius porrexerunt, ut deprecatorias pro eo vobis litteras mitteremus. Immo caritatem vestram rogamus attentius, ut ei pro reverentia b. Petri et interventu nostro in aliqua equitatura ad iter agendum provideatis, ita quod nos exinde gratiarum vobis actiones exolvere debeamus.

3. Kardinal Cencius an den Archidiacon Wilhelm von Sens.

C(encius) Dei gratia sancte Romane ecclesie diaconus cardinalis⁴ G(uillelmo)⁵ venerabili Senonensi archidiacono salutem. A(lexander) nobilis civis Romanus et sancte Romane ecclesie subdiaconus in Francia hucusque moratus Romam redire disposuit. Quod quia sine equis et aliis apparatibus facere nequit, rogamus, ut nostre dilectionis gratia ei in necessitatibus taliter assistatis ut nos vobis vestrisque amicis obnoxium faciatis. Vale.

4. Kardinalbischof Gregor von Sabina an Abt Theobald von St.-Germain-des-Prés.

G(regorius) Dei gratia Sabinensis episcopus venerabili fratri et speciali amico T(heobaldo)⁶ eadem gratia sancti Germani de Pratis abbati salutem et dilectionem. Antique amicitie et familiaritatis non modice ad invicem habite non immemores, vestre discretioni, de qua plurimum confidimus, pro

1) Wohl 'repatriaret' zu verbessern. 2) 'ammonitio' Hs. 3) 'equitatis' Hs. 4) In der Liste der Kardinäle bei Jaffé-Löwenfeld II, S. 102. 103 erscheinen unter den Diaconen zwei Cinthius (Cencius).

5) Unterschreibt eine Urkunde des J. 1160, Gall. Chr. XII. Instr. p. 45.

6) Stirbt c. 1162, Gall. Chr. VII, 442.